



COMUNU DE SESTU
TZITADI METROPOLITANA DE CASTEDDU

CRÈSIA DE SANTU MILANU



Sa parti archeològica de Santu Milanu est postu in pitzus de unu montixeddu a unus cantu chilòmetrus de Sestu, in diretzioni Nord, innui is scavus fatus in sa metadi de su sèculu passau ant agatau medas barracas de s'era neolìtica, is prus antigas de s'acabu de su IV millènniu a.C., e calancuna de s'època nuràgica.

DDoi funt arrastus de un'àtera crèsia, dedicada a Santu Micheli, chi benit nomenada in documentus de su Mesuevu impari a su villàgiu de Sussua chi ingiriada, impari a su campusantu, sa crèsia de Santu Milanu.

Custu villàgiu benit abandonau a s'acabu de su 1400, ma duas bortas a s'annu is pellegrinus ddoi andant e ddoi abarrant po una pariga de diis po sa festa.



COMUNU DE SESTU TZITADI METROPOLITANA DE CASTEDDU

Costruida a metadi de su 1200, de maistus arabus-spanniolus (mudèjar) cun su stili importau in Sardìnnia de is paras Vitorinus de Marsìllia sèculus ainnantis.



Sa strutura est a duas navadas, e una parti de is studiosus narant ca est stètia costruida aici po permiti de ddoi fai su cultu bizantinu e cussu romanu mancai difarentis, un'àtera parti cumentì memòria de sa religiosidadi pagana.

Is navadas, donniuna cun ingrèssu e àbsidi, funt pratzidas de arcus in pilastrus cun crabetura a bote impitzus de arcus transversalis.



COMUNU DE SESTU TZITADI METROPOLITANA DE CASTEDDU



Sa sensibilidadi estètica particulari de is maistus de murus mudèjar de diora si podiat biri in is capellas coloradas in maiòlica (patere) incastradas in is murus de foras de sa crèsia, e fintzas a pagu tempus fait nd'abarràt un esemplàri ùnicu cun pinturas de froris.



In sa segundu metadi de su 1600 benit costruia sa lolla manna fora de crèsia, cun campanili a vela, sa sagrestia, sa domu de s'obreru chi fiat incarrigau, de diora, de allogai is ofertas de is fedelis.



COMUNU DE SESTU
TZITADI METROPOLITANA DE CASTEDDU

Su muru est stètiu costruiu cantu ddoi fiat sa villa de Sussua, e impeau oi po costrui is stallis po donai refùgiu a is pellegrinus.



Decrarada de sa Dìretzioni Regionali po is benis culturalis e paesagìsticus unu Beni de interessu culturali, stòricu, artisticu cun decretu n.139 de su 05 de Cabudanni 2012, cunforma a s'art.10, comma 1, decretu legislativu n.42 de su 22.01.2004.

In su 1964 sa Sobrintendèntzia nd'at fatu sciusciai sa capella costruida in su 1668/71.

De su 1984 a su 1986 nd'at fatu sciusciai sa domu de s'eremitanu de làdiri; s'altari bèciu de marmu chi benit sostituiu de un'altari in trachiti.